



ლაგოდეხის მუნიციპალიტეტის საკრებულოს  
გ ა ნ კ ა რ გ უ ლ ე ბ ა



განკარგულება:გ-93.93241872

თარიღი:05/07/2024

**ლაგოდეხის მუნიციპალიტეტის საკრებულოს 2021 წლის 13 მაისის „ლაგოდეხის მუნიციპალიტეტის საკუთრებაში არსებული ქონების საპრივატიზებო ობიექტების ნუსხის დამტკიცების შესახებ“ №14-ი განკარგულების დანართში ცვლილების შეტანის შესახებ**

საქართველოს ორგანული კანონის „ადგილობრივი თვითმმართველობის კოდექსის“ 35-ე მუხლის პირველი პუნქტის „ი“ ქვეპუნქტისა და საქართველოს კანონის „საქართველოს ზოგადი ადმინისტრაციული კოდექსის“ 63-ე მუხლის შესაბამისად, ლაგოდეხის მუნიციპალიტეტის საკრებულოს განკარგულებით:

**მუხლი 1**

შევიდეს ცვლილება ლაგოდეხის მუნიციპალიტეტის საკრებულოს 2021 წლის 13 მაისის „ლაგოდეხის მუნიციპალიტეტის საკუთრებაში არსებული ქონების საპრივატიზებო ობიექტების ნუსხის დამტკიცების შესახებ“ №14-ი განკარგულების დანართში და საპრივატიზაციო ობიექტების ნუსხიდან ამოღებულ იქნას შემდეგი ქონება:

- 1.1. ქალაქ ლაგოდეხში, თამარ მეფის ქუჩაზე მდებარე, არასასოფლო-სამეურნეო დანიშნულების 7545.00 კვ.მ. მიწის ნაკვეთი და მასზე განთავსებული შენობა-ნაგებობა (ს/კ 54.01.54.584) (ყოფილი სანიტარული ნაწილი);
- 1.2. სოფელ ჭიაურში მდებარე სასოფლო-სამეურნეო (სახნავი) დანიშნულების 25440.00კვ.მ. მიწის ნაკვეთი (ს/კ 54.06.58.354);

**მუხლი 2**

ლაგოდეხის მუნიციპალიტეტის საპრივატიზაციო ობიექტების ნუსხა ჩამოყალიბდეს თანდართული დანართი N1-ის შესაბამისად.

**მუხლი 3**

ეს განკარგულება ძალაშია ხელმოწერისთანავე.

**მუხლი 4**

განკარგულების გასაჩივრება შესაძლებელია ძალაში შესვლიდან ერთი თვის ვადაში, კანონმდებლობით დადგენილი წესით, გურჯაანის რაიონულ სასამართლოში, მისამართი: ქ. გურჯაანი, სანაპიროს ქ. №24.

კარლო ჯამბურია

ლაგოდეხის მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

